



北轅錄

文選四字上音衙其姓姓字

天部部立各標驗

天部部立各標驗

天部部立各標驗

天部部立各標驗

天部部立各標驗

宋周燁撰

言上音審

淳熙丙申十一月二十九日詔待制敷文

閣張子政假試戶部尚書克賀金國生辰

使皇叔祖右監門衛大將軍士褒假明州

觀察使知東上閣門兼客省四方館事副

之明年正月七日陸辭出國門初九日離

行在二十一日至淮陰二十六日蕪館習

儀二十八日北行引接傳御使副卽館坐受其謁上中節序立其傍虜遣接伴使昭武大將軍尚書戶部郎中李侂廣威將軍尚書兵部員外郎完顏宗卞僕馬立欽引接三盃而退二十九日盱眙置酒餞使介度淮午至泗州津亭使副望拜如儀接伴戎服陪立各帶銀牌牌樣如方響上有蕃書急速走遞四字上有御押其狀如主字

虜法出使皆帶牌有金銀木之別朝服對立于庭互展起居狀三接入講叅禮使副陞廳茶酒三行虜法三湯後茶少頃聯轡入城夾道甲士執兵直抵於館旋供晚食果飣如南方齋筵先設茶筵一般若七夕乞巧其瓦壠桂皮雞腸銀鋌金剛鐲西施舌取其形似蜜和麪油煎之虜甚珍此茶食謂未行酒先設此品進茶一盞又謂之茶筵次供饅頭血羹畢羅

肚湯羹盪羊餅子解粥肉齋羹索麪骨頭
盤子自後大同小異酒味甚漓食畢卽鎖
門內外不通二月一日甫交曉間接伴所
晨衙三節謂北家聲喏各相呼而起時猶
未至三鼓旋覓盃水洗漱冠櫛畢點心已
至灌肺油餅棗糕麪粥有供糕糜處或未
暇舉筋忽一人呼官員認馬三節出門馬
已預定上一上二貼於背上以防差誤馬

糧供於民謂之戶馬御者不俟據鞍卽散
蓋防與之話言泄穢事也細車四輛奉南
北使副亦以序行車之形製既不美觀出
館各有細紗二燭籠爲導氣象甚不佳亦
有羗管從後聲頗悽怨永夜修途行人爲
之感愴車每輛用驢十五頭把車五六人
行差遲以巨挺擊驢謂之走車其震蕩如
逆風上下波濤間麤車三十六輛每輛輓

以四牛禮物私覲使介三節行李皆在焉
自起程至三許折車真定汴京蓋常先一
兩程而往來人夫及輓車牛驢所至州縣
更易六十里至臨淮縣縣有徐城本徐國
有徐君墓季札掛劍處卽此是日行循汴
河河水極淺洛口旣塞理固應然承平漕
江淮米六百萬石自揚子達京師不過四
十日五十年後乃成汚渠可寓一嘆隋隄

之柳無復彷彿矣二日至虹縣晚宿靈璧

縣汴河自此斷流自過泗地皆荒瘠兩岸

奇石可愛

石產於縣鳳凰山以小爲貴

或云花石綱所

棄者虞姬墓在西岸雖無碑却有村疇名

陰陵靈壁舊爲鎮亦名獻齒頭虹本紅陽

夏丘二縣地漢書紅陽侯立是也訛而不

改遂名曰虹五日至永城縣縣本敬丘二

縣地漢更敬丘曰太丘陳寔爲之長縣北

有芒山與碭山相接六日至穀熟縣十八里至南京入陽熙門市樓榜曰睢陽夾道甲兵尤盛張巡許遠廟在西門外謂之雙王廟其傍則宋玉臺此地高辛氏子閼伯所居商丘也武王封微子杞爲宋國後唐號歸德軍本朝王業所基陞爲南京詔卽衙城以爲大內以歸德爲名後陞應天府太上皇於此登位虜今改歸德府及門數

妓來迎北使率皆騎驢不約束步武便乘騎也入境男子衣皆小窄婦女衫皆極寬大有位者便服立止用阜紵絲或番羅繫版縑與阜隸畧無分別縑反插垂頭於腰謂之有禮無貴賤皆著尖頭靴所頂之中謂之蹋鴟七日至寧陵縣縣本甯城古葛伯國七國時屬魏爲信陵君無忌之封宿拱州襄陵驛虜改曰濰州濰河在十里外

郡本襄邑縣宋襄公葬于此故曰襄陵八日至雍丘縣縣故杞國武王封禹後東樓公縣東有葵丘齊桓公所會也行二十里過空桑伊尹所生之地又里許卽伊尹墓地名三家次過范郎廟其地名孟莊廟塑孟姜女偶坐配享者蒙恬將軍也又六十里至陳留縣縣本鄭邑爲陳所并故名實張良之封邑或云陳思王亦生於此九日

至東京虜改名南京未到城先過皇城寺宜春苑使副易朝服三節更衣帶從者跨馬入新宋門舊曰朝陽虜名洪仁樓櫓濠塹甚設次入甕城次入大城人煙極凋殘至會同館舊貢院也接伴所得私覲盡貨於此行戶倍償都窮晚食酒貯以黃缸味差勝有以柑子餉承應人得之甚喜云謂之朝樂子按東京春秋衛陳鄭三國之境

古大梁城也十三日至黃河浮航以渡自南抵北用船八十五隻各闊一丈六七尺其布置相去又各丈餘上實筭子木復覆以草曳車策馬而過如履平地虜以順天名橋予觀駢頭巨艦絳以寸金規制堅壯虜兵守護甚嚴不日我國家恢復河朔過師枕席上云當知此橋為利之博焉十八里至建津津卽袁紹渡處十四日至湯陰

縣湯陰本蕩陰晉侍中嵇紹死節之所又有羗里城羗河羗里文王所囚之地十五日至相州闐闐繁盛觀者如堵二樓曰康樂曰月白風清又二樓曰翠樓曰秦樓時方賣酒其上牌書十洲春色酒名也或云韓魏公畫錦堂今為一貴人宅石記猶在好事者叩門打碑不禁也相出茜草故纈名天下銅雀臺講武城漳河紂之朝歌城

皆在境內講武南有塔聞是舊鄴都高丘相望名七十二冢世謂曹孟德狙詐惑後人使迷其葬所相實古鄴相魏文侯始封之地十六日至邯鄲縣縣古趙國邯山名鄲盡也邯山至此而盡凡城郭字從邑故字皆從邑趙王叢臺在縣之北聞每年三月二十四日空巷上簡子冢冢形如硯世謂硯子冢程嬰公孫杵臼墓亦在焉路逢

一細車蓋以青氈頭段人家也頭段者謂貴族及將相之家十七日至邢州古鉅鹿郡故邢侯國也秦兼天下於此置信都縣十八日至內丘縣內丘本漢之中丘未至內丘西望太行山岡巒北走崖谷秀傑如昔所聞山延袤八十里十九日至栢鄉縣縣本春秋晉郭邑之地漢光武卽位於鄣之南六十里至趙州道經光武廟有二石

人首橫於路俗傳光武欲渡河二人致餉
慮洩其蹤乃除之又云遇二人問途不答
怒而斬之已而皆石也未至城五里渡石
橋橋從空架起工極堅緻南北長十三丈
闊四丈一尺隋人李春所造元祐間賜名
安濟有張果老驢迹二十日至真定府未
至城先過滹沱河河流不甚闊聞當春漲
時亦湍急也真定在春秋時屬鮮虞國二

十二日至新樂縣縣古鮮虞國漢中山孝
王毋馬昭儀隨王就國王爲建宮於西樂
里而呼爲西樂城語訛西爲新四十五里
至中山府堯始封于此二十四日至安肅
軍過白溝河二十五日至涿州黃帝戰蚩
尤於涿鹿卽此地二十六日至良鄉縣入
內通侍郎李慶和賜餽食湯藥貼用紅綾
勅書云勅某卿遠持慶幣來賀誕辰馳華

隰以良勞次郊亭而伊邇宜有節宣之餽以彰眷遇之優二十七日遇盧溝河卽盧龍也燕人呼水爲龍呼黑爲盧亦謂黑水河色黑而濁其急如箭至燕山府外燕賓館赴班荆宴少定傳鄉館伴使昭武大將軍太子少詹事蒲察明少中大夫侍御史鄧儼爲之副南使與之互展起居狀繼與接伴互展辭狀天使敬昊賜宴單仲賜酒

果酒九行禮畢趨入城初入端禮門次入南門次入豐宜門次過龍津樓樓亦分三道通用玉石扶闌上琢爲嬰兒狀極工巧次入宣陽門由馳道西南入會同館甫就次有天使完顏汧傳宣撫問二十八日忠勇校尉劉彥忠忠翊校尉何彥來交禮物天使烏古論賜酒果宣威將軍充東上閣門副使郭喜說朝見儀二十九日辨色副

使率三節入見行司捧國書於馬上前行
初出館橫過馳道而行御廊東西曲尺各
二百五十間至掖門下馬自專德門由會
通承明二門入左嘉會門趨而南至幕次
少頃鳴鐘鐘罷衛士山呼百官裏見時方
辰正斯須於幕間見曳玉帶者五人先出
後知爲東宮親王平章令公也繼獨引副
使捧國書頃之閣門綠衣吏來引都轄以

下

都轄三節之長

先入宣明門次仁政門於隔門

上面北序立門之裏卽殿庭隙門見副使
舞蹈之節俟禮物過副使由右出三節自
東入拜于大壇上上有一品至七品黑漆
黃字牌子蓋其朝署也一壇可容數百人
遍地製成鸞鳳殿九楹前設露臺柱衣文
繡兩廊各三十間中有鐘鼓樓兩外垂金
漆簾額飾以繡廊之西馬有韞紅繡鞍者

數疋乃高麗所進殿門外衛士二三百人
分兩班立盡戴金花帽錦袍宣明門外直
至外廊皆甲士青緇甲居左旗執黃龍紅
緇甲居右旗執紅龍外廊皆銀鎗左掖門
入皆金鎗人依一柱以立焉仁政門左門
用甲士訖見無一人跛倚者凡門屋下皆
青隊執弓矢人數各有差若乃經從之處
宮殿門名茲不具載北宮營繕之制初雖

取則東都而竭民膏血終殫土木之費瓦
悉覆以琉璃日色暉映樓觀翬飛圖畫莫
克摹寫佐佑之初役民兵一百二十萬數
年方就死者不計其數三節旣出副使疾
作依柱以立扶策至幕次未畢餘禮小底
入報小底二百人傳旨免禮數至於殿門外受
衣帶三節繼之是日麗夏使人同見少畱
俟其禮竟閣門來引復舊路出至嘉會門

駐立久之以麗人在門外受賜未畢也歸館久之宣威將軍客省使兼東上閣門盧璣到館押伴置酒殿上近例止就賜副使免坐第拜表謝三節各受衣帶五事尚書公獨以病辭館伴所服以禮例應給使副衣帶各七事有靴而無笏虜無象簡所用皆木質也三十日就館宴天使李顯全賜宴并酒果燕山酒固佳是日所餉尤爲醇

厚名金瀾蓋用金瀾水以釀之也三月一日雨免入賀不爾必致霑服失容有習來此者言雖雨立移時不恤也二日天使完顏奕賜分食者分御膳以賜之也九日入辭使副受書而歸十日離館燕古冀州地武王封堯後於薊卽薊縣也隋立涿郡唐爲幽州天寶間曰范陽郡陞爲盧龍軍遼曰燕京名析津府皇朝改曰燕山府虜曰

大興府二十三日
至東都未至城二三里
車夫指一土岡云是名愁臺
乃晉少帝北狩之路
二十四日押宴鎮國上將軍鎮南軍節度使兼懷州管內觀察使高蘇賜宴并酒果
天使趙泳食畢啓行
四月十六日至家是行往返凡九十六日
二日天時

虞山錢遵王藏書



